



DEO OPTIMO MAX.  
UNI ET TRINO,

VIRGINI DEIPARÆ, ET S. LUCÆ,  
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS,  
*manè discutienda, in Scholis Medicorum, die Jovis, undecimâ  
mensis Februarii, anno Domini M. DCC. XLV.*

M. ANTONIO LE CAMUS,  
Doctore Medico, Præsîde.

*An pulsationis defectus in venis ab æquabilitate motus sanguinis?*

I.



**L**X hydraulicis. Quoties vis liquorem quemcumque movens superat vasorum resistantiam, toties vel frangi vel cedere debent horumce vasorum parietes. Hac lege systolen arteriarum & diastolen facile explicaveris. Itaque rejectis omnibus hypothesium, systematum, opinionum figmentis non luxuriosè minùs quàm ingeniosè excogitatis, mechanisimè diutius ignoti vel difficiliora phænomena intelliges. Etenim jam sanguinis columna totam arteriarum diametrum adimpler, stringitur sinister cordis ventriculus, protruditur sanguinis portiuncu-

A

la: sed adest resistentia tùm in axe tùm in perimetro arteriarum, nîsus vergit ad vasorum parietes, impulsui cedunt illi; brevi, cùm virtute elasticâ sint præditi, pristinum statum recuperaturi. Ergò in arteriis datur distractio & resitutio ex eo ipso quod ad earum parietes detur vis alternè aucta & imminuta.

Effectus contrarius à causâ contrariâ repeti debet. Hinc quis non videt pulsationis defectam in venis ideò observari, quia non datur vis alternè aucta & imminuta, id est, quia æquabilis est sanguinis motus in venis.

### I I.

**M**OTUM sanguinis æquabilem esse in venis, quis inficiabitur? Nam si vè contrahatur cor, si vè dilatetur, nihilo minùs venæ sanguinem accipiunt. Tempore systolæ, sanguis à corde in arterias vice isochronâ immissi pars una venas permeat, dum altera systematis arteriosi dilatationi impenditur. Quæ quidem residua pars arteriarum restitutione in venas protruditur. Ea omnia ita aptè sunt » ut (a) » paribus temporibus, venæ parem liquidi quantitatem accipiant. « Hinc quis non sentit, motu placido sanguinem in venas procedere. Illud enim à sapientissimo naturæ moderatore fuit apprime constitutum; nimirum ut latex purpureus in arteriis luxuriâns, sedato fluctu per venas ad cor vel levioris titillationis capax, & impatiens, reverteretur. » Quod (b) ut rectè atque ordine fiat, & filo non interrupto, » peragatur, multâ operâ, magnâque industriâ venis est prospectum. » eum enim in finem plurimæ adsunt minimæ cataraetæ, valvulæ nimirum sigmoïdes vel semilunares . . . quarum duæ plerumque, in » tertium plures, sibi invicem objectæ, atque ad certa intervalla ita » collocatæ . . . ut qui semel in venas incuneatus est humor, non nisi » in cor fluere possit. « Tantis rationum momentis quid addam præter experimenta. Sanguinis enim fluxus in venis, microscopii ope, (c) æquabilis observatur. Quod quidem arteriotome & venæ sectione palam est. Si arteria incidatur, tunc saliente rivo celerrimè cruorem emittit. Si autem vena secetur, perenni fluctu sanguis ejicitur. Motum sanguinis esse æquabilem in venis ratione ergò & experientiâ notum est.

### I I I.

**E**X motu æquabili necessario sequitur pulsationis defectus in venis. Hoc quidem motu posito sanguis in venarum parietes nîsu agit æquabili, ipsosque in eodem expansionis gradu sine constrictione & distractione alternâ detinet. Nam si sanguis arteriosus motu inæquali protrusus, ope tubi intermedii, breviori viâ, in venam duceretur, vena haud minùs pulsus conciperet (d): Res altero modo tentari po-

(a) Vide Thes. propug. Monspel. ann. 1732. à D. Ant. Ferrein quest. 9. an. aneurisma verum à varice distinguatur per pulsus, &c.

(b) Bergerus de nat. hum. pag. 74.

(c) Leeuwenhoeck. Epist. 67.

(d) Aët. Philosoph. angl. ann. 1677.

test. Per arteriam mesaraicam canis mortui, ita tenuis liquor aliquis injiciatur ut alterno motu procedat, tunc pulsar arteria. Continuo flumine liquor redit, ut venæ puncturâ constat, & nullus in venis per-sentitur motus.

Verum ut omnia aperirentur dubia, tertium tentavimus experimen-tum. Scilicet arteriæ texturam imitari curantes, tubum A ex corio chartæ permanganâ involuto composuimus. Dein tubum alterum B ve-nas simulantes ex solo corio confecimus. Quoniam autem arteriarum percussus tantum per-sentitur, cum prementi digito adest fulcrum, & licet venæ fulciantur, attamen nullatenus pulsant: ideò supradictos canales ab baculum astrinximus mollioriter. Tum Clysterem concinnâ fistulâ ad tubum A accommodavimus: dum simplicior tubus B in fun-dibulo spongiolæ minutiâ levissimè ocluso armaretur. His ita dispo-sitis embolum vicibus alternis trusimus, & ad canalem A admovi-mus digitos. Liqueor variis succussionibus procedens in canalibus parietes arietabat, uno verbo arteriarum pulsationes sensimus. Interim in infundibulum liquor decidens jugi fluctu intrâ canalem B manabat. Hinc, cum nullus adesset nîsus in parietes, non mirum si tubus ille quiesceret.

Ex his omnibus satis superque demonstratur venarum quietem ab æquabili motu sanguinis oriri.

#### F V.

**N**ON ergò tulere punctum qui pulsationis defectum in venis ex ip-sarummet amplitudine reposcerunt. Quo fit, inquiunt cum *Bergero*, (a) » ut cum ex arteriarum angustis, venarum in spatia » magis magisque ampla, humores deriventur, hi tanto vigore in tu- » nicas earum extrorsum niti, atque adeò ad saltum arteriarum ve- » nâ tripudiare non possint: « Frustrâ refragantur qui hanc pulsatio-nis negationem à vasorum inertia repetunt. Necquicquam scribunt illi, fibras venarum, licet ex quinque tunicis sibi invicem superstra-tis eodem ordine ac in arteriis consentur, molliores esse, laxiores, minisque densas, & elasticas, ac proinde impulsui facile cedentes & renixui parum aptas. De sententiâ decedant qui liquidi venas sub-euntis proportionem ad arterias relativâ absentiam pulsus explicant. Objicient incassum omnes humores ad varia corporis puncta deferri, diversis incerniculis quantiam ex sanguinis massâ partem detrahi, sic urina è renibus ad vesicam fertur, Bilis per canalem Choledochum fugit, saliva Stenoniano, War-toniano, Bartholiniano ductu ad os protruditur, &c. Hinc imminuitur sanguinis venas remeantis quanti-tas, aliunde verò, ut autopsiâ constat, augetur vasorum diameter; ergo minori virtute impellantur parietes, & inde facile concipitur venarum silentium. De opinione desistant qui ideò venosum genus quiescere putant, vel ex eo quod venæ à corde distent nimium, vel ex eo quod sanguis contrâ proprium pondus reiectus vim omnem & con-

(a) loc. cit. pag. 72.

5

4

sequenter in vasorum latera agendi, potentiam amittat. Omnes verum & unicum non attingere scopum, at similitudine capti sunt. Hi enim, ut videre est, antecedentem, seu remotam, isti conjunctam, nulli verò proximam seu efficientem causam assignavere.

V.

**R**ELATIVE tantum ad arteriarum pulsus, quietem diximus. Hanc puta motum insensilem. Motu enim intestino quo gaudet vitalis latex semper vasa cujuscumque generis pulsantur. Venæ præterea spirali quodam fibrarum tractu muniuntur, undè motum quemdam peristalticum seu vermicularem nasci verisimile est. Venarum cordi adjacentium; cavæ imprimis, motus contractionis sat validus forsan movet stomachum. Nullum, exclamas, erit effugium. Eundem motum post *Walæum* (a), *Charletonem* (b), *Louverum* (c) declarat *Vieussens* (d). Hunc pulsus pro certo tenemus, & licet minimè fuisset detectus: attamen illius suspicandi esset locus. Nam contrahente se auriculâ dextrâ, necessariò quædam sanguinis portiuncula regurgitans refluat. At sanguis à tergo fluens sit obex, sicque nixus vergit ad parietes. Hinc pulsare debent venæ illæ cùm fluxus sanguinis sit interruptus. Instabis: sunt qui venæ portarum, quæ arteriarum more per hepar cruorem spargit, pulsus aliquem subobscurum inesse putant. Verbo dicam; allucinantur. Cum experienciâ constet pulsus qui tactu percipitur, non venæ portarum, sed arteriæ hepaticæ comuni *Glissonis* capsulâ simul conclusæ, deberi; quando quidem cessat illico ligatâ illâ arteriâ. Nostra igitur sententiâ manet inconcussa.

*Ergo pulsationis defectus in venis ab æquabilitate motus sanguinis.*

(a) Ep. de motu Chyl.

(b) *Æcon. animal exerc. VI.*

(c) L. C.

(d) L. C. c. XIII.

DOMINI DOCTORES DISPUTATURI.

*M. Michaël-Joséphus Majault.*

*M. Antonius Ferrein, à Regiâ Scientiarum Academiâ & Professor Regius.*

*M. Bartholomæus Murry.*

*M. Carolus Payen.*

*M. Tussanus-Gilbertus Boulland, Consiliarius Medicus Regis ordinarius in ejus Castellæto.*

*M. Gasparus Coëhon du Puy, in arce Maritimâ Rupisfortensis Anatomæ & Chirurgiæ Professor Regius.*

*M. Joannes de Diefst.*

*M. Josèphus de Jussieu, à Regiâ Scientiarum Academiâ.*

*M. Henricus-Franciſcus Bourdelin, Rei Herbariæ Professor.*

Proponebat Parisiis, BARTHOLOMÆUS TUSSANUS LE CLERC,  
Rothomagensis, Saluberrimæ Facultatis Parisiensis Baccalaureus Medicus,  
A. R. S. H. 1745, à sextâ ad meridiem.